

Laahâ

puásuituálulaavâ 44 já 45 § nubásmittmist

Ovdâskode miärdâs miäldâsávt
nubásmittoo puásuituálulaavâ (848/1990) 44 já 45 §, tagarin ko toh láá, 44 § uásild laavâst 285/2013 já 45 § laavâst 285/2013, čuávuvávt:

44 §

Nubástusuuccâm palgâs miärdâssáid

Puásui-iššeed miärdâsân tutâmettum puásuiomâsteijest lii vuoigâdvuotâ tuálvud sunjin olssis kyeskee ääši palgâs stiivrâ kiedâvuššâmnaál. Palgâs stiivrâ kiedâvuššâm kalga pivded kulmâlov peeivi keččin tast, ko uásálâš lii finnim tiädu puásui-iššeed miärdâsâst.

Palgâs stiivrâ miärdâsân tutâmettum puásuiomâsteijest lii vuoigâdvuotâ tuálvud miärdâs palgâs čuákkim kiedâvuššâmnaál. Taam kalga vaattâd kirjálávt puásui-išedist kulmâlov peeivi keččin tast, ko miärdâs lii adelum tiättun 18 §:st uáivildum palgâs čuákkimist.

Palgâs čuákkim miärdâsân puásuiomâsteijee uázžu uuccâđ nubástus haldáttáhrievtist, jis miärdâs luávká suu vuoigâdvuotâ tâi lii šoddâm puástuornigist teikâ mudoi lii laavâ vuástásâš. Mudoi nubástusucâmân heiviittuvvoo, mii riehtijotemist haldáttáhaasijn adelum laavâst (808/2019) asáttuvvoo.

Mii 2 momentist lii asáttum, ij kuuskâ palgâs stiivrâ miärdâsân, moin puásui-iälu finnimlope lii miedettum tâi moin ovdâástimvuoigâdvuotâ lii kuodđum kevtihánnáá. Poccui uázžoo uázžu uuccâđ nubástus puásui-iälu finnimlove kiieldimân já ovdâástimvuoigâdvuotâ kevttimân kyeskee palgâs stiivrâ já palgâs čuákkim miärdâsân tienuuvt ko 2 já 3 momentist asáttuvvoo.

45 §

Väidim Palgâsij ovtâstus miärdâsâst

Palgâsij ovtâstus miärdâsân uázžu tot, kiäs miärdâs kuáská, uuccâđ nubástus toin aggáin, ete miärdâs ij lah šoddâm ääšimiäldásii ornigist tâi mudoi lii laavâ tâi ovtâstus njuolgâdusâi vuástásâš. Väidim tahhoo Tave-Suomâ haldáttáhriähtán. Eres oosijn nubástusucâmân heiviitteh, mii riehtijotemist haldáttáhaasijn adelum laavâst asáttuvvoo.

21/2021

Helsingist 15 peeivi uddáivemáánu 2021

Täsiváaldi President

Sauli Niinistö

Eennâm- já meccituáluminister Jari Leppä